

ossa, ab ipsa, quæ non levi munimine arctabatur, A  
urna, manibus extulit. Quod quia præ magnitudine  
rei incredibile videbatur, ipse episcopus loci, manu  
sancto Evangelio apposita, jurejurando confirmavit  
hanc ipsam Syracusanam esse Luciam, de qua res-  
ponsoriam et antiphonæ cum missa ubique in Eccle-  
sia canuntur. Translatum est autem hujus sanctæ  
virginis corpus anno nongentesimo septuagesimo  
Dominicæ Incarnationis, et cum mirifico utriusque  
ordinis applausu locatum in ecclesia Sancti Vin-  
centii martyris et levitæ. Operata est et hic dispen-  
sative incomprehensibilis Dei sapientia, ut nomen  
et meritum sanctæ virginis etiam Alpium transiret  
in via; et quam jam olim tota prædicabat Italia, non  
ignoraret et jam tripartita Gallia. Quanto enim fre-  
quentiori translatione recentior erat sanctæ virginis  
memoria, tanto fiebat celebrior ubique tanti nomi-  
nis reverentia. Quia ergo animo festinanti nil satis  
festinatur, Deodericus præsul, in obsequium Lucie  
virginis ex toto pronus, præoccupavit statim con-  
struere oratorium in quo decenter reponeret datum  
sibi divinitus thesaurum pretiosum super aurum et  
topazion. Quo opere laudabiliter consummato dedi-  
cavit solemniter ipsam basilicam in honore gloriosæ  
virginis Lucie octavo Idus Augusti, anno nono epi-  
scopatus sui, anno vero Dominicæ Incarnationis  
nongentesimo septuagesimo secundo, præsentibus  
et cooperantibus sibi suis consuffraganeis episcopis,  
Gerardo Tullensi et Winofrido Virdunensis, qui olim  
in aula imperatoris familiari contubernio sibi ad-  
hæserant, et modo eis exsequendis ecclesiasticæ re-  
ligionis officiis, unanimes devotione sibi invicem ob-  
temperabant.

Anno post hæc quinquagesimo secundo, electus  
ad imperium Conradus secundus, quod sibi pro-  
pter hæreditariam regalis prosapiæ successionem  
competebat, et magis propter sapientiæ et fortitudi-

nis eminentiam congruebat. Quamvis exterioribus  
imperii negotiis sollicitè invigilabat Conradus, ta-  
men quæ Regis regum erant, non in secundis habe-  
bat; unde inter cætera, in parochia Spirensis Ec-  
clesiæ, in loco qui dicitur Lindiburch, in honore  
sanctæ Dei Genitricis Mariæ cœnobium fundavit mu-  
nificentia regali, Gisla bonæ memoriæ conjugæ sua  
cooperante sibi. Sed mors æquo pede pulsans re-  
gum turres et tabernas pauperum, impeditum ejus  
desiderium, ne ad finem perduceret opus inceptum.  
Bono patri bonus succedens filius, Heiuricus scilicet,  
hujus nominis imperator tertius, opus fundati  
a parentibus cœnobii, quasi ex jure hæreditario,  
ad se traxit, regaliter ædificavit, nobiliter consum-  
mavit; et cui nulla terrenæ substantiæ deerat af-  
fluencia, intendit animum ad contrahenda undecun-  
que sanctorum pignora, ut eorum prompta sibi in  
necessitatibus adessent suffragia, quorum præsen-  
tialiter frequentabatur die nocteque memoria. Nec  
tamen creditis votis suis satisfactum esse, nisi etiam  
pignora sanctæ virginis Lucie mereretur habere,  
cujus in Ecclesia celebre nomen habebatur, cujusque  
per Gallias suffragium fidei devotione ab omnibus  
expetebatur. Mettensi Ecclesiæ, quæ specialiter cor-  
pore sanctæ virginis lætabatur, Deodericus junior  
quadragesimus octavus episcopus præerat, qui et  
propter nobilitatem generis in sæculo multæ potent-  
iæ, et propter sapientiæ dignitatem magnæ in Ec-  
clesia erat reverentiæ. Ab hoc Heinricus imperator  
brachium sanctæ Lucie sibi dari expetiit; et quam-  
vis difficulter, tamen impetravit. Idem ipse ergo  
præsul brachium sanctum ad votum imperatoris, ad  
cœnobium Lindiburgense detulit, quo nihil gratius  
esse imperatori potuit. Translatum est autem anno  
regni ejus tertio, Dominicæ autem Incarnationis anno  
millesimo quadragesimo secundo.

## SIGEBERTI GEMBLACENSIS

### EPISTOLA DUPLEX

#### DE DIFFERENTIA QUATUOR TEMPORUM

Trevirensibus clericis, sub nomine Leodiensium, scripta

(MARTENE, *Thes. Anecd.*, I, 294.,

(1097) Quærentibus nobis utrumnam statim in primo  
Sabbato Martii sit jejunandum, etiamsi idem mensis  
quinta, sexta vel septima feria incipiat, an in aliud  
Sabbatum propter quartam feriam sit differendum,  
vos ex scripta sanctorum atque antiquorum Patrum

(1097) Hujus epistolæ auctorem Sigebertum Gem-  
blacensem monachum docet nos codex manuscriptorum  
Gemblacensis, ubi eam vidimus, constatque ex

D sententia, et maxime ex auctoralis Ecclesiæ vestra  
consuetudine rescripsistis diffinitè, quod absque  
ulla refragatione semper primi mensis feria debet  
expectari, quoniam idem jejunium quod quarta  
feria incipitur et Sabbato finitur, nequaquam Februa-

altera epistola quam nomine clericorum Leodiensium  
Trevirensibus scripsit De regula Bernonis,

rio, sed Martio totum deputatur, ea videlicet ratione ut in eo mense primum jejunium nostrum Domino consecratur, in quo principium anni, ac ipsa creatio cœpit mundi. Qui quærebamus de una quæstione per vos certificari, multiplicitate dubietate involvimur. Salva ergo gratia vestra, liceat vobiscum adhuc conferre ea de quibus dubitamus. Non enim leviter accipimus, quod a vobis tam gravibus et tam doctis viris definitur.

Quod vitiose et abusive dicitur, hoc otiose trahitur ad exemplum veritatis. Martium, quem Romulus vitiose posuit in primo anni mense nos etiam abusive primum anni mensem dicimus, nec tamen ita esse credimus, quia ab ipsius Dei ore didicimus qui sit primus mensis. *Mensis*, inquit, *iste principium mensium primus erit vobis in mensibus anni* (Ezod. xiii, 2). Martium vero mensem quis nescit pro duodecimo mense in lege et prophetis computari? A Moysse omnis divina Scriptura pendet. Hinc innituntur omnes qui de divina Scriptura tractant. Nos nisi recta via incedamus, semper discentes, nunquam ad scientiam veritatis perveniemus. Quia ergo mense Martie, secundum positionem gentilium, mediato, primus dies sæculi præfigitur in xviii ejusdem mensis die, qui est xv Kalendas Aprilis, num idcirco primam partem Martii pro primo anni mense accipiemus? Prima pars Martii magis fini quam principio anni congruit. Si re vera xv Kalendas Aprilis fuit primus dies sæculi, ibi initium erit primi anni, ac proinde omnium annorum sæculi, in quo mense est primus dies sæculi, ille mensis debet primus haberi, ac per hoc facesset illa Romuli institutio de suo primo Martio, et Numæ de suo Januario. At si quis dixerit a parte totum posse accipi, ut ab ultima sui parte totus Martius pro primo anni mense accipiatur, nec ipse, ut ita dixerim, vobis Martius annuet, ut idem sit primus et ultimus anni mensis, præsertim cum nec vos ei annuatis, ut tres vel duos dies, vel unam saltem feriam mutuetur a Febuario, ut a parte sit totum ejus jejunium, quod ei soli deputatis totum. Porro servata positione gentilium de ordine mensium cum quodam intellectuali modo ultimam Martii partem referamus ad mundi principium, quod non Martio sed Aprili ascribitur, si etiam hoc intellectuali modo initium Martii non ponamus in Kalendis ejus, sed sursum versus numerantes, v. g. a xv Kalendas Martii, ibi intelligamus esse initium Martii ut quatuordecim dies quos ei a suo fine creatio tollit mundi, hos ei ante suas Kalendas restauretis. Sic forte obtinebimus, ut non invidentis jejunio nostro quartam vel sextam feriam, quæ licet in Febuario pronuntiantur, Martii tamen esse intelligantur.

Tali diviniæ et humanæ scripturæ, divio intercepti, hæremus sub intelligendi ambiguo, et dum neuter neutri credit quæ via sit directior, ad id quod volumus non sine labore tendimus et utinam sipe errore perveniamus.

Dicitis: « Cui sententiæ lectio prophetica con-

A sentit, quæ jejunium primi et jejunium quarti et jejunium decimi, et non jejunium duodecimi esse ostendit, quod nullo modo ita esse poterit refragari, si præfatum primi mensis jejunium quarta vel sexta feria Februarii congruat celebrari. »

Si nos noster super his intellectus non fallit, hos quatuor menses ita accepisse videmini, ut jejunium primi mensis deputetis Martio; jejunium quarti Junio, qui est quartus a Martio; jejunium septimi Septembri, qui est septimus a Martio, jejunium decimi Decembri, qui est decimus a Martio. Quod vos intellexisse ut intelligamus addidistis, et non duodecimi, qui est Februarius duodecimus a Martio. Quid in tantum derogatis Febuario, cujus saltem unum diem ad primum jejunium non admittitis, ut quodam modo timere videamini, ne forte jejunium decimi mensis ad eum aliquo modo transferatur. Si hoc prophetæ capitulum in vestris exemplaribus ita habeatur: ut vos posuistis, vos videritis. Nos dicimus quia nec in LXX Interpretum editione, qua veteres Græci et Latini utebantur, hoc ita scriptum habetur, nec in editione qua modo Ecclesia utitur, quam Hieronymus de Hebræo in Latinum transtulit, et eandem exposuit. In LXX ita habetur: *Jejunium quartum, et jejunium quintum, et jejunium septimum, et jejunium decimum erunt Domini, et reliqua* (Zach. viii, 19). In editione vero Hieronymi ita habetur: *Jejunium quarti, et jejunium quinti, et jejunium septimi, et jejunium decimi erunt Domini, et reliqua*. Ubi mentio hic primi in primo mense jejunii super quo vos nobis patrocinamini? Si propheta primi mensis hic posuisset, non alium primam mensem quam Aprilem significasset, et ab Aprili ordinem aliorum mensium deduxisset. Ordinem mensium et causas jejuniorum Hieronymus ita exponit: « Jejunium, inquit, quarti (subauditur mensis) qui est Julius, ab Aprili quartus, est septima decima die ejusdem mensis, quando Moyses descendens de monte, tabulas legis confregit; quo etiam mense Nabuchodonosor Jerusalem primus cepit. Jejunium quinti, mensis quintus ab Aprili, qui est apud nos Augustus, erat die x ejusdem mensis, pro eo quod per speculatores de inspecta terra repromissionis reversos orta est seditio; propter quam omnes præter duos per xi annos in eremo perierunt. Quo etiam mense Nabuzardan, princeps coquorum regis Nabuchodonosor, muros captæ antea Jerusalem evertit, et templum incendit, et multo post mense eodem anno, a Tito Cæsare Domini templum eversum et exaratum est. Jejunium septimi mensis ab Aprili, qui est apud nos October, pro eo quod eo mense occisus est Godolias, qui victis Judæis a Nabuchodonosor prælatus erat, et reliquiæ Judæorum ad internecionem deletæ sunt. Jejunium decimi mensis ab Aprili, qui est apud nos Januarius, pro eo quod Ezechiel propheta et alii captivi in Babylone, cognoscentes hoc mense templum Domini fuisse destructum, fecerunt planctum, et indixerunt jejunium. » Hæc Hieronymus: Ne ergo vos molestet videre quam

parum vestrae sententiae lectio prophetica conveniat, A quae cum nec de ordine mensium, nec de causa jejuniorum pro vobis agat, ad hoc tantum hic valet, ut exemplo Judaeorum ad celebranda quatuor anni jejunia nos incitet.

Dicitis: « Jejunium quod a quarta feria incipitur, et Sabbato finitur, nequaquam Februario, sed totum Martio deputatur: ea videlicet ratione, ut in eo mense primum jejunium nostrum Domino consecratur, in quo principium anni ac ipsa creatio coepit mundi. »

Hanc vestram sententiam non proterve refellimus, quippe qui paratiores sumus discere quam docere; sed est ratio quae nos dehortatur, ne vobis in hoc assentiamus, de qua judicare habebit sincera vestrae dilectionis sententia. Calixtus papa, a Petro apostolo XVIII decrevit fieri ter in anno jejunium in die Sabhati pro frumento, vino et oleo. Quo decreto in melius mutato, decrevit fieri triduanum per quatuor anni tempora jejunium, ita scribens Benedicto episcopo: « Jejunium quod ter in anno celebrari apud nos didicisti, ut sicut replemur frumento, vino et oleo ad alenda corpora, sic repleamur jejunio, ad alendas animas; nunc convenientius per quatuor anni tempora fieri decernimus, ut sicut annus per quatuor volvitur tempora, sic et nos quaternum solemne agamus jejunium per quatuor anni tempora, ut inter caetera ex verbis Domini, ait Zacharias propheta: *Jejunium quarti et jejunium quinti et jejunium septimi et jejunium decimi erunt domui Juda in gaudium et letitiam et in solemnitates praeclearas. Veritatem tantum et pacem diligite dicit Dominus.* In hoc ergo nos unanimes oportet esse, ut secundum apostolicam doctrinam, idipsum dicamus omnes, et non sint in nobis schismata, simus autem perfecti in eodem sensu et in eadem scientia. »

Haec Calixtus papa praesago, credo, spiritu praeviciens dissensiones Ecclesiae futuras pro hoc jejunio a se instituto. Ex his Calixti verbis patres nostri instituti sunt et nos instituerunt, ut quot annus tempora, tot habeat et jejunia; et quot menses unumquodque tempus habet, tot jejuniorum dies habeat; et dum singulis quatuor temporum jejunis terni deputantur dies, quarta et sexta feria et Sabbatum singuli dies pro singulis mensibus deputantur: ut quidquid in toto mense deliquimus, jejunato uno mensis die, fiat nobis veniale, et ut ad usus nostros bonam et salubrem aëris temperiem Deus singulis temporibus, mensibus et diebus attribuat. Quia ergo haec Quatuor Temporum jejunium distinguit rata ratio temporum, a sanctis et doctis, et antiquis Patribus intellecta et disposita, si et de multis pauca, et de duobus certiora ellgamus. Beda in libro De temporibus dicit: « Initia Quatuor Temporum diversi diverse ponunt. Isidorus, Hispalensis episco-

pus, hiemem nono Kalendas Decembris, ver octavo Kalendas Martii; aestatem nono Kalendas Junii; autumnum decimo Kalendas Septembris habere exortum dicit. Graeci autem et Romani, quorum potius in hoc auctoritas sequenda est, hiemem VII Idus Novembris, ver VII Idus Februarii, aestatem VII Idus Maii, autumnum VII Idus Augusti inchoare decernunt; hiemis videlicet et aestatis initia signantes matutino, vel vespertino ortu, vel occasu Vergillarum, quae etiam Pleiades vocantur; item veris et autumnus ponentes ingressum, cum Vergillae medio fere die vel nocte oriuntur aut occidunt. » Et, ut ostendat Beda qua ex ratione Graeci vel Romani temporum initia ita praefigant, adnectit verba sancti et docti, et antiqui viri Anatolii, Laodiceae episcopi, de aequinoctiis et solstitiis ita disputantis: « Hoc, inquit, non ignores, quot ipsa temporum confinia, duo scilicet aequinoctia, et duo solstitia, licet mensium sequentium Kalendis approximantur, unumquodque eorum medium temporis teneat, et non exinde principia temporum inchoantur, unde mensium Kalendae initiantur. Sic itaque unumquodque tempus dividat aequinoctium VIII Kal. Aprilis et aestatis, medium teneat solstitium VIII Kalendas Julii et autumnus, et autumnus medium teneat aequinoctium VIII Kalendas Octobris et hiemis, medium teneat solstitium VIII Kalendas Januarii. » Secundum beati (1098) Anatolii verba, si ab VIII Kalendas Aprilis numeraveritis sursum versus usque ad VII Idus Februarii, habebis dies XLVI, quod est medium verni temporis, et per hanc Anatolii auctoritatem ponunt Graeci et Romani initium veris VII Idus Februarii, abhinc usque ad Kalendas Februarii, reliquis diebus sex ad hiemem pertinentibus, et hoc secundum antiquos qui ponebant aequinoctia et solstitia in VIII Kalendas. At nos juniores, qui secundum decretum Nicænae synodi, ponimus aequinoctia et solstitia in XII Kalendas, si, posito aequinoctio et dimidio verni temporis in XII Kalendas Aprilis, abhinc sursum versus numeremus dies XLVI, qui ver dimidiant, inveniemus initium veris in III Nonas Februarii. Hoc modo quatuor, vel duobus tantum diebus Februarii ad hiemem spectantibus, D obtinet ver totum Februarium. Secundum hoc videretur Februarius debere esse veris primus mensis, et in eo debere celebrari jejunium primi temporis, et quidem juste. Sed ne contentiosius daretur ansa calumniandi jejunium primi temporis, contingeret enim aliquot dies ultimi temporis, quod est hiemis, convenientius in sequentem mensem Martium differtur veris jejunium. Nec tamen ideo totum Martio deputatur, quia licet trium jejuniorum dies in una hebdomada unius mensis continentur, propter mysteriorum continua-

(1098) *Anatolius Alexandrinus Laodiceae Syriae episcopus, sub Probo et Caro imperatoribus floruit, mirae doctrinae vir fuit in arithmetica, geometria, astronomia, grammatica, rhetorica, dialectica, cujus ingenii*

*magitudinem de volumine quod super Pascha composuit, et ex decem libris de arithmeticae institutionibus, intelligere possumus, inquit Hieronymus, lib. De script. eccles.*

tionem, singuli tamen jejuniorum dies singulis mensibus deputantur IV feria Februario, VI Martio, VII Aprili. Quando ergo Martius initiatur, V, VI, vel VII feria, quæ inconvenientia est prævenire initium Martii jejunando in antepenultimo et ultimo die Februarii, qui dies etsi non sunt Martii, sunt tamen veris, cujus est hoc totum jejunium per partes ejusdem per menses distributum? Quid, inquam, disconvenit jejunare quartam in Februario feriam, præsertim cum ipsa jejunetur pro impetranda bona et salubri temperie Februarii? Quid disconvenit Martio, quod sexta in Februario feria pro ipso Martio jejunatur? Non merebitur Aprilis bonam et salubrem aeris temperiem, quod jejunium sabbati sibi præoccupetur in Martio? Per hoc ratum esse dico, quod dixi quartam et sextam feriam esse obsecutrices et quasdam præparationes ad ipsum sabbatum Martii, et eas ejusdem esse conditionis cujus est Sabbatum, cui officium sive servitium exhibent præparationis, nimirum jejunio tertiæ et sextæ feriæ se præparantibus illis, qui vel suscipiunt, vel celebrant mysteria ad sabbati diem pertinentia, nec esse opus, ut ad id, vel Februarius numero dierum dilatetur, vel Martius abbrevietur, quandoquidem feriæ Februarii et Martii per hoc unius sunt conditionis, quod unius sunt temporis. Si quis non recipit hanc distinctionem jejuniorum per distinctionem mensium, saltem in commune accipiet totum pro tempore jejunium. Sed quia hoc quod est divisum in multis, non est alicujus totum; et quod est commune multis, non est alicujus proprium, non erit jejunium veris totum Martii, quod tribus æque deputatur mensibus. Non erit, inquam, Martii proprium quod tribus est commune mensibus.

Ad hæc non otiose vel mendose scriptum legimus, quod sancti papæ Romani Simplicius, Gelasius, Symmachus et Felix fecerunt ordinationes per mensem Febrarium, sive enim VIII Kalendas Martii secundum Hispanos, sive VII Idus Februarii secundum antiquos Græcos et Romanos, sive secundum Nicæam synodum III Nonas Februarii ver oritur, credendum est quod apostolicæ dignitatis viri non excluderunt a jejunio Kalendarum Martii quartam et sextam feriam Februarii, quæ erant verni temporis; forte etiam integram Februarii hebdomadam receperunt ad explendum veris jejunium, et ad celebranda mysteria illi jejunio congruentia. In communibus enim annis sæpe Februarius aliquot Quadragesimæ hebdomadas obtinet.

Perpendit ergo vestra dilectio cur jejunium veris non totum Martio deputetur, quia scilicet dies verni temporis agunt pro Februario, ne excludatur a veris jejunio. Quod si ratio et ordo temporis eviderit; quod ver ipsis Kalendis Martii oriatur, verbum non amplius addam, quin excludantur a jejunio quarta et sexta in Februario feriæ, si cum mense suo fuerint penitus alienæ a verno tempore. Sed præter rudem Romuli institutionem, nusquam scripturarum

A auctoritatem invenimus, quod initium veris et Martii ipso Kalendarum die simul concurrant. In Kalendis Martii initium veris ponentibus repugnat auctoritas Anatolii et aliorum Patrum; repugnat etiam cælum et terra; cælum quoniam philosophi deprehenderunt initia temporum per ortus et occasus stellarum, quas Deus fecit in signa et in tempora, in menses et in annos: terra vero, nisi aliqua inæqualitas aeris inturbet, ortum veris in rore arborum vel herbarum longe ante initium Martii ostendit.

Regula Anatolii, qui negat initia temporum in Kalendis mensium, et ubi initiari debeant ita verbis ostendit, ut etiam oculis possit ostendi. Ostendat adhuc per initium æstatis ubi debeat celebrari jejunium æstatis. Posito solstitio æstivali et æstatis medio secundum antiquos in VIII Kalendas Julii, si numeres sursum versus XLVI dies, invenies initium æstatis in VI Idus Maii, et abhinc usque ad Kalendas Maii octo tantum diebus ad tempus veris spectantibus, totus pene Maius deputabitur æstati. Nec desunt aliqui modernorum quanto juniores tanto perspicaciores, qui ascensum vel descensum solis in solstitiis oculis et digitis notantes, contendunt æquinocetia et solstitia rectius esse ponenda in quinto decimo Kalendas. Quod si fuerit probatum, quis contradicet veritati, quin totum Febrarium sibi vindicet? Cum ergo per hoc jejunium veris dies Februarii, ad jejunium æstatis dies Maii licenter admitti debeat, quando Junius initiatur in quinta vel sexta feria, quæ inconvenientia vetat in secundo ejus Sabbato vel secunda hebdomada celebrari secundum jejunium, quod totum æstati debetur, a vobis vero soli Junio tantum deputatur? In veris jejunio videtur impedire quod quarta et sexta feriæ jejuniorum in una hebdomada concurrunt, quid causæ est quod differtis jejunium in ulteriorem hebdomadam? Quid tantum inhæremus occidenti literæ, ut deviemus a spiritu vivificante? Quid tantum inhæremus in quærendo primo mensium Sabbato? Semper laborando quærimus et semel tantum invenimus. Si enim numero dierum compensetur Sabbatum, tale Sabbatum tenemus illis solis annis, quibus menses Junius, Martius, September et December in prima feria initiantur. Cæteris vero annis semper imperfectæ hebdomadæ sabbatum tenemus. Vos quippe qui jejunium temporis, quod est commune tribus mensibus, deputatis soli medio trium mensium mensi, quando V, VI, vel VII feria initiatur menses jejuniorum, semper pro primo Sabbato secundum, pro secundo tertium, pro tertio quartum habetis, quia expleta primi mensis hebdomada, in tertio vel secundo secundæ hebdomadæ die Sabbatum locatis. Porro nos qui jejunium temporum accipimus secundum nomen suum, et dies temporis indifferenter admittimus ad jejunium temporis, primum Sabbatum quod occurrit in mense jejuniorum pro primo habemus, referentes illud non ad mensem, sed ad hebdomadam, in cujus qualibet feria initiatur ille mensis, qui ad celebrandum temporis

jejunium et jejunii mysterium aptior esse videtur.

Putet aliquis illorum qui nobis ex adverso sunt, esse has contentiones et quæstiones et pugnas legis, quas ut vanas et inutiles Paulus Tito et per eum nobis devitandas esse scribit. Qui recipiet quæ diximus ad consequentia temporum veris et æstatis, advertet facile consequentiam autumnii et hiemis per regulam Anatolii, et videbit quod jejunium veris non sit totum deputandum Martio, sed etiam Februario.

Dicitis : « Quando primum Sabbati jejunium ante Quadragesimam evenerit, ex consuetudine Ecclesiæ vestræ in secundum vel tertium Martii Sabbatum nobis mirum videtur observari. »

Miramur de vobis cur super hoc miremini de nobis. Nunquid hoc facimus sine auctoritate Patrum antiquorum vel juniorum? Siquidem non longo abhinc tempore, jussu Conradi imperatoris apud Triburias habito generali conventu et concilio episcoporum, episcopi inter cætera voluerunt decernere hoc capitulum : « Ut si quando jejunium primi mensis evenerit infra hebdomadam qua caput jejunii in feria IV constat, amborum jejuniorum celebritas unius officii expletionem completeretur. » Sed huic vultorum decreto pauci nostratium refragantes, seniori consilio obtinuerunt, ut jejunium primi mensis in altera hebdomada in qua habetur officium celebraretur juxta antiquorum consuetudinem. Hanc jejuniorum instructionem [confirmat auctoritas.

Gelasius enim papa, secutus sententiam Zozimi papæ, « ordinationes, inquit, presbyterorum, aut diaconorum, non debent, nisi certis temporibus exerceri, id est IV, et VII, et X mensis jejunio, sed et quadragesimalis initii, ac medianæ Quadragesimæ die sabbato jejunio circa vesperum noverint esse celebrandas. » Hæc Gelasius. Quem quis non videat prævidisse per Spiritum sanctum contentiosam posterorum super hoc jejunio discordiam, dum facito primi mensis nomine, et neglecto primo Sabbato, tempus causæ congruum notavit ad jejunandum, scilicet in initio, vel in medio Quadragesimæ. Præcavit enim quia paschalis varietatis ratio nos involveret, hoc quo nunc tenemur ambiguo.

Quod Gelasii capitulum ne cujus contentio infirmare audeat, confirmatum est etiam quinto episcoporum concilio, jussu Caroli Magni imperatoris habito. « Decernimus de presbyteris et diaconibus, non nisi certis temporibus ordinandis, sicut continetur in decretis Zozimi et Gelasii. » In horum sententiam se pedibus ire testantur sancti et apostolici viri, quos pro idoneis auctoribus habet Ecclesia; de quibus solius Isidori Hispaniensis verba ponamus : « Sunt, inquit, quatuor Sabbata, in quibus sunt statuta jejunia et officia lectionum et orationum majora, id est mense Martio Sabbato primo, juxta observationem Quadragesimæ, vernoque tempore, et reliqua. » Tam idoneis testibus et te-

stimoniis confirmata nostræ ecclesiæ consuetudo, non debet jejunium veris ante Quadragesimam celebrari, non debet vobis miraculo esse, nisi habeatis aliquos, quorum auctoritas his præponderet.

Dicitis : « Cujus antequadragesimalis, ut ita dictum sit, jejunii, ut salva vestra gratiâ loquamur, videtur primi sabbati sedem de loco pellere, quod Nabuzardan expugnat adhuc muros Jerusalem. »

Salva nostri gratia, accipimus quidquid loquimini, ut et salva vestri gratia, accipiatis quod loquimur. Nihil enim ex contentione, sed totum querimus ex charitate. Scrupulum injecistis nobis, cum dicitis nobis sedem primi Sabbati de loco pelli. Vos in hoc falli non credimus, sed nos tarditatis arguimus, qui vestra bene forsân dicta non bene capimus. Quamvis Sabbatum a causa, non a numero dicatur, et per hoc aliquando non ad numerum, sed ad causam referatur; quia tamen illud de quo agimus Sabbatum semper sedet in numero, in feria scilicet quæ a numero denominatur septima, nemo melius vobis novit sedem Sabbati sic esse immobilem, ut est immobilis numerus, qui sedem Sabbato fundavit. Nullum enim diem hebdomadæ præter septimum vocamus sabbatum, sed a Sabbato omnes dies vocantur, id est prima, secunda, vel tertia Sabbati. Si vero id quod causa, aut usus addidit Sabbato, pellitur aliquoties de loco; non ideo surgit sabbatum de sua sede. Jejunium ergo quod primo Martii ascribitur, si aliqua causa vel necessitate pellatur a præscripto sibi loco, quomodo per hoc sedes Sabbati de loco suo pellatur, a vobis audire vellemus. Si enim Sabbati sedes posset a loco suo moveri, et Sabbatum, ut ita dicam, posset sequi diem jejunii de loco suo pulsus, semper ipsum Sabbatum esset primum, nec pateretur ut secundum Sabbatum incubaret primo loco. Quid ergo gravamini ita motum primi jejunii, non quidem semper necessarium, sed aliquando opportunum, cur negatur primo jejunio quod cæteris temporum jejunii conceditur, quibus licet opportune de loco suo moveri. Ecce de hiemalis temporis jejunio nulla est querela, quod de hebdomada in hebdomadam, de Sabbato in Sabbatum, transduxit Dominica Nativitas. Et gratias vobis, quod mutationem autumnalis jejunii conceditis nostræ festivitati. Et quia forte non timetis, quod Nabuzardan expugnare debeat muros nostræ Jerusalem, dicitis quodam modo nobis cum Esdra : *Comedite pingua, et bibite mulsum, et mittite partes eis qui non præparaverunt sibi; sanctus enim dies Domini est : nolite contristari, gaudium etenim Domini est fortitudo vestra (II Esd. VIII, 10).* Quod nobis conceditur, concedi potest etiam cuilibet Ecclesiæ, ut si in quolibet temporum jejunio intercurrat specialis festivitas, jejunii sedes transmutetur, aut Sabbatum æstivalis jejunii, si concurrat Sabbato Pentecostes, quæ utraque Sabbata prænotantur titulo XII lectionum, differtur jejunium in hebdomada Pentecostes, quia non possunt expleri una ce-

lebritate duo authentica officia, et duo mysteria : A unum baptizandi, et unum ordinandi. Quamvis nostra pene memoria tres archiepiscopales sedes, vos scilicet Trevirenses, Colonienses et Maguntiensis voluerint hæc duo mysteria duplicis jejunii uno unius diei officio compleri, sed ea causa, nec ad consensum omnium, nec ad usum Ecclesiæ potuit pervenire. Quid, inquam, adeo gravamini solius primi jejunii mutatione, ut dicatis quod Nabuzardan, princeps coquorum Nabuchodonosor, vel diaboli, expugnet adhuc muros Jerusalem, si hoc jejunium transferatur in quadragesimam? Ultimo Pascha, quod est vii Kalendas Maii, initiatur Martius in secunda Sexagesimæ feria; in penultimo Pascha, quod est viii Kalendas Maii, in tertia feria; in antepenultimo Pascha, quod est ix Kal. Maii, initiatur Martius in quarta Sexagesimæ feria. Quia ergo his annis in Quadragesimæ hebdomada tres feriæ, quarta, et sexta, et septima concurrunt ad jejunium vernalis et ordinum mysteria celebranda, vestro relinquimus iudicio, si convenienter jejunetur et ordinetur in Sexagesimæ Sabbato. Moderatores fuerunt in hoc papæ Zozimus et Gelasius, qui hoc jejunium et mysteria jejunio congruentia deputaverunt Quadragesimæ. Et ut aliquid etiam a nobis dicamus, solet aliquando a sanctis et bene moderatis viris differri hoc jejunium in ultimum Martii Sabbatum, vel in penultimam Quadragesimæ hebdomadam, ut paratiores sint, et qui ordinant, et qui ordinantur, si forte (quod absit) C adhuc Nabuzardan expugnarit muros Jerusalem, illi qui de captivitate Babylonis redibunt, pœnitentia laborabunt in restruendis muris suæ Jerusalem, una manu facientes opus orationum, et altera manu tenentes gladium jejunii.

Delectat etiam nos allegorizare super numero hebdomadarum quæ distinguunt jejunia temporum. Sed quia, ut ait Origenes, in campis allegoriæ est libera evagandi licentia, hæc libertas debet habere modum progrediendi. Tres generationum Christi ordines tribus jejuniorum ordinibus allegorice respondent, quid conferetur quarto jejunio, quod etiam hebdomadarum mutilatur numero? Placet hæc allegoria, sed non ita, ut pro certa figatur jejuniorum regula. Placet et Bernonis regula, quæ vos quodam intellectuali linearis numeri filo a primo jejunio ad secundum, a secundo ad tertium, a tertio ad quartum jejunium ducit, et utinam sine errore. Et multo plus placeret, si etiam per xiiii a quarto jejunio ad primum recurreret. Sed ut cum pace et gratia vestra loquamur, hæc ejus linea, quia non æqualiter dividit anni hebdomadas per Quatuor Temporum jejunia, videtur quibusdam non esse satis directa. Si enim per quatuordecim triplicatur a quarto jejunio usque ad primi recursum, restant decem tantum hebdomadæ. Si per quatuordecim

quadruplicatur, quatuor hebdomadas excurrit, ultra quinquaginta duas anni hebdomadas. Cujus intellectuali filo non audemus pedem innectere, ut si desiliamus in artum, possimus licenter pedem retrahere aut protendere. Quidam super hoc lineari numero hebdomadarum disputans, « Si, inquit, aliquis numerus debuisset limitare hæc quatuor jejuniorum interstitia, nullus ad hoc aptior numerus esset, quam quatuordecim, qui quadruplicatus reddat quinquaginta duas anni hebdomadas. Per hoc enim, si modo usus admitteret, semper in primo Sabbato mensis jejunio deputati occurreret jejunium cæjusque temporis per hujus numeri lineam. » Hoc ille quamvis verum tamen frustra dixit, quia extra usum sensit Berno, a cujus ore vos pendetis, cujus verba sunt vobis pro regula, qui vestrum sacramentorum librum suo exemplari attulit, nobis quoque placet, hunc nos magni habemus, quia quod pro virilli portione potuit in tabernaculo Dei obtulit. Sed præcipit Apostolus omnia probare, quod bonum est tenere, ab omni specie mala nos abstinere. Speis mala est discordia Ecclesiæ, pro qua omnes quotidie oramus, ut in primis eam dignetur Deus pacificare et adunare toto orbe terrarum, nec tamen unam eam adunari patimur, dum per dissonantiam ecclesiastici ritus ab invicem dividimur. Vos vestraque ritus non improbamus, sed quod ex antiqua Patrum traditione tenemus, utrum recte teneamus, bonorum iudicio committimus.

De temporibus initiandis præ omnibus Anatolium sequimur, qui quanti debeat esse, nobis testatur Eusebius in ecclesiastica Historia, et Hieronymus in libro illustrium virorum. « Anatolius, inquit, Alexandrinus Laodiciæ Syriæ episcopus sub Probo et Gaio reparatoribus floruit, vir miræ doctrinæ in arithmetica, geometria, astronomia, grammatica, rhetorica, dialectica. » Et si ad modernos veniendum est, sequimur nostros Waterhonom (1099) nostræ urbis episcopum, et Olbertum Gemblacensis cœnobii abbatem, qui in generatione sua justus et doctus fuerunt, justis et doctis viris sui et nostri temporis conferendi aut etiam præferendi. Hi fuerunt contemporales Aribonis et Bernonis. Hi Bernonis scripta, eo monstrante, legerunt; sed multa legentes et omnia probantes, juxta quod Dominus præcipit prædicatoribus, non transibant de domo in domum, id est de sententia istius ad sententiam illius; sed regiam patrum viam gradientes, non ad dextram, nec ad sinistram declinabant. Hi jejunia Quatuor Temporum secundum rationem temporum accipientes, dies temporis ante Kalendas Martii non excludebant a jejunio verni temporis, sed in primo statim Sabbato, imo in primo aliquando mensis die jejunium et jejunii historiam explebant. Hoc aliosque sanctos et doctos viros in hoc sequimur, non quia sancti et docti fuerunt, sed quia veritatis

(1099) Vulgo dicitur Vatho seu etiam Vazo Leodicensis episcopus, obiitque anno 1048 uti legimus

in libro De gestis abbatum Gemblacensium, ubi etiam plura de Olberto abbate.

assertores esse probantur. Sic enim docet nos Augustinus scribens Hieronymo. « Solis, inquit, scripturis quæ appellantur canonicæ hunc honorem atque tenorem defero, ut nullum earum auctorem errasse aliquid firmissime credam. Alios vero sic lego, ut quantalibet sanctitate et scientia præpollent, non ideo verum esse putem quia ipsi ita senserunt, sed quia mihi per illos canonicos auctores vel probabili ratione quod a vero non haberat, persuadere potuerunt. » Hoc Augustini exemplo multorum scripta legimus; sed non omnibus credere habemus, et quos magis sequi debeamus quærentes, hæc vobis scribimus non ex pertinacia, quia nec vos credimus scripsisse ex pertinacia, qui epistolam vestram tam delectabili conclusistis epilogo, quod et nos mutuum remittimus vobis. Si ex ratione catholica est vobis certum nobis aliquid melius ostendere, promptum est nobis intellectui vestro cedere, quam nostræ pertinaciæ ulterius inutiliter deservire.

Sed et hoc adjiendum est quod anno millesimo nonagesimo quinto Dominicæ Incarnationis tota pene Ecclesia recepit a sede Romanæ Ecclesiæ decretum apostolicæ auctoritatis, ut semper in prima Quadragesimæ hebdomada jejunium veris, semperque in ipsa Pentecostes hebdomada jejunium æstatis celebraretur. Cum ergo Februarius sæpe unam, sæpe duas, aliquando, in primo scilicet Pascha, tres Quadragesimæ obtineat hebdomadas; eodemque modo Maius sæpe una, sæpe duabus, aliquando in primo scilicet Pascha tribus hebdomadibus ultra Dominicam Pentecostes excurrat. Constat totum jejunium veris in Februo ab illis celebrari; jejunium vero æstatis non solum a secunda Junii hebdomada, sed etiam ab initio Junii longe removeri. Nulla certe est controversia apud istos de spectanda quarta vel sexta feria ante Kalendas Martii, Junii vel Septembris, quippe qui non ad certos menses, sed ad rationem temporis, refertur jejunium temporis. Vaete.

*Item epistola Trevirensium ad Leodienses, cur regulam (1100) Bernonis modo crescere, modo decrescere arguant.*

Cum bene et decenter responsum a vobis videatur esse in cæteris, hoc unum dubitamus, utrum juste arguatur regula Bernonis modo crescere, modo decrescere tanquam non ille considerasset, quod ab ultimo jejunio usque ad recursum primi, decem tantummodo sint hebdomadæ tribus tesserescedecadibus per intervalla jejuniorum deputatis. Ille enim videtur lineam suam protendere a primo jejunio usque ad quartum, et de tempore quod est ab ultimo usque ad primi recursum non agere, ut sic de-

(1100) De hac regula hæc habet Sigebertus in libro De scriptoribus eccles. : *Scripti de jejuniiis Quatuor Temporum, de quibus celebrandis est inter multos dissonantia, dum alii secundum considerationem temporum ad jejunium quartæ et sextæ feriæ accipiunt dies Februarii, vel Maii, vel Septembris, et Sabbato in Kalendis proveniente terminant jejunium; alii vero*

scensus quadraginta duarum hebdomadarum respondeat quadraginta duabus generationibus Christi, quod putamus intendisse Amularium, qui et primam Martii hebdomadam accepit in figura primæ generationis, quæ est Abraham, et ultimam Decembris in figura ultimæ generationis, quæ est Christus, et tres consecrationes jejuniorum tres appellavit tesserescedecadas hebdomadarum, quæ sunt interstitia eorum. Cur ergo dicitis de quarto quid fiet? Dubitationem vobis ostendimus. Vaete.

### RESCRIPTUM DOMNI SIGEBERTI.

PRO LEODIENSIBUS CLERICIS.

Quia, ut ait quidam, littera sola res est quæ eos qui sunt absentes facit esse præsentis, juvat nos datis et acceptis litteris alloqui et audire vos quos diligimus, præsertim, dicente Hieronymo, quia magnum desiderii solamen habet amicus, cum litteras amici accipit. Dubitationem vestram nobis ostendistis; scilicet an juste necne arguatur regula Bernonis modo crescere modo decrescere, et cur dixerimus de quarto quid fiet?

De posteriori interrogatione primum dico (1101) me non dixisse, de quarto quid fiet? sed dixisse quid conferetur quarto jejunio: de qua re merito quæstis; quia dum eam subintelligendam reliqui, remansit sub ambiguo quod subintelligi volebam. Dicens enim tres generationum Christi ordines tribus jejuniorum ordinibus allegorice respondent, subintuli, quid, subaudis allegoriæ, conferetur quarto jejunio? Quod quæsi quæro adhuc a vestra prudentia, quid possit conferri illis decem hebdomadis, quæ a quarto jejunio restant usque ad primum, ut omnibus anni hebdomadis sua respondeat allegoria. Si enim a vobis primo hoc subintellectum fuisset, videretur vobis his decem hebdomadis posse conferri illas generationes, quæ decem a Noe usque ad Abraham secundum Hebraicam veritatem numerantur, si nulla denarii numeri aptior causa possit conferri. Has enim consequens generatio Abraham obtinebit congrue primam Martii hebdomadam.

Porro regula Bernonis utrum modo crescat, modo decrescat, vel si juste necne possit argui, scit vestra quæ eam terit prudentia. Quid vestra interest eam arguere diximus et dicimus. Sit Bernoni sua sibi regula, quia nolumus ea coarctari, qui juxta competentiam rei ac temporis ponimus libere interstitia quatuor jejuniorum, sive per quatuordecim, sive per quindecim. At vero quia vos eam nobis porrigitis ad videndum, vobis eam ex una parte tenentibus, communiter videamus qualis sit. Et hæc quidem est ejus regula.

« A Sabbato, inquit, vernalis jejunii velut insine consideratione temporum non jejunant nisi quarta et sexta feria jejunii cum ipso Sabbato in Martio, vel Junio, vel Octobri provenientes. Et talem jejunandi ritum auctorizant multi, maxime Teutones.

(1101) Ex his verbis constat Sigebertum superioris ad Trevirenses epistolæ esse auctorem

tellectuali quodam filo rectissime linea regulæ per XIV hebdomadas usque in Junii mensis secundum ducatur Sabbatum, indeque per alias XIV hebdomadas ad tertium Septembris Sabbatum, itemque sive per XIV, sive per XIII ad illum proximum ante Natale Domini Sabbatum, ut absque errore termini eorum Sabbatorum possint intervenire. »

Hæc rectissima linea cur a XIV recurrit ad XIII? Nimirum ideo quod necesse sit ei sequi competentiam temporis. His in hebdomadis numerandis sibi quidem satisfecit, nescio si et vobis satisfecerit. Vos quippe intendere videmini, ut hebdomadæ quadraginta, duæ sic respondeant quadraginta, duabus generationibus Christi, ut prima generatio, quæ est Abraham, teneat primam Martii hebdomadam; ultima vero generatio, quæ est Christus, respondeat ultimæ Decembris hebdomadæ. Vos recte in hoc sapitis, si linea Bernonis vos ad hoc posset dirigere; sed nascente Christo in ultima Decembris hebdomada, quomodo dabitur Abraham primam Martii hebdomadam? Linea Bernonis Abraham ab ea excludit, quia si eam obtineret Abraham, ultima Decembris hebdomada non responderet ultimæ generationi. Quia ergo, ut ait Tullius, prima causa victoriæ est diligenter ediscere causam pro qua dicituri sumus causam hujus difficultatis communiter quæramus, ut communi labore difficultatem ipsam vel videre queamus.

A Kalendis Martii usque ad VIII Kalendas Januarii, sunt hebdomadæ XII et dies VI. Hos sex dies subtrahens Berno a numero hebdomadarum, eas non a Kalendis Martii, sed a Sabbato vernalis jejunii incipit numerare. Per hoc quidem cavet sibi, ut linea sua in numero hebdomadarum neque crescat, neque decrescat, non tamen per hoc se omni scandalo absolvit. Propter hos sex dies subtractos disconvenit inter nos et vos aliquando, inter Abraham vero et nascentem Christum nullo anno convenit. Abraham enim nolens quodam modo decedere a præscripta sibi prima Martii hebdomada, subtractos sibi sex dies semper repetit, et singulis annis singulos dies recipiens, videtur arguere regulam Bernonis, modo crescere, modo decrescere; quia quot dies suæ hebdomadæ recipit, tot Christus suæ hebdomadæ dies amittit. Abraham quanto longius a sua hebdomada elongatur, tanto plures dies sibi usurpat, ut aliquando plusquam unam hebdomadam, aliquando plusquam duas obtineat, tribus scilicet annis, quibus vos ponitis Sabbatum jejunii circa VI Idus Martii. At puer cujus est nomen Dominus justus noster, ad suam partem recrescente linea suos, tantum dies annuatim recepit, et nihil plus sua justa parte exigit. Ita vos nunquam, nisi excepto uno anno datis nascenti Christo integram hebdomadam, nisi forte subtractos in Martio dies assuatis decurtatæ Christi hebdomadæ, ut vel sic detis quodam modo pauperi Christo camisiolam de conscissis panniculis reconsultam, cujus inconsutilem tunicam nec inimici ejus sciderunt. Non decet

vos talia semicinctia offerre illi, cui cum Magis aurum, thus et myrrham obtulistis.

Quod dicimus; per annorum consequentiam probemus. Anno quo Martius initiatur in prima feria, incipit Berno numerare hebdomadas a Sabbato jejunii vernalis posito in Nonis Martii, uno die tantum relicto Abraham, eoque tantum anno Christus habet plenam hebdomadam. Sequenti anno, posito jejunii Sabbato in primo die Nonas, tertio anno in tertio Nonas, quarto anno in quarto Nonas, quinto anno in quinto Nonas, per hos sex vel quinque annos intercurrente bissexto reddit Berno sex subtractos dies; et secundum variationem Nonarum Martii, linea ejus crescere, aut decrescere videtur in utramlibet partem. Secundum vos autem, longius posito jejunii Sabbato, amplius linea variatur. Quid quod aliquando per lineam Bernonis plus juste crescentem exturbatur. Nascens extra quadragesimam secundam hebdomadam et generationem? Quia enim Berno a Sabbato hebdomadas et generationes inchoat, in sexta feria eas semper consummat.

Anno ergo quo initiatur Martius in secunda feria, consummantur XII hebdomadæ et generationes IX Kalendas Januarii, id est in vigilia Natalis Domini, quæ eo anno occurrit in sexta feria, ultra quam non debet protrahi Bernonis regula. Per hoc initiante quadragesima tertia hebdomada, in sequenti Sabbato nascitur Christus, in eo quasi in alieno, quia non est ei hoc anno locus in Bernonis diversorio. Confidimus tamen de vobis in Domino, quod ipse qui nascitur magni consilii Angelus inspirabit vobis et aspirabit, ut habeat etiam hoc anno locum in vestræ sapientiæ diversorio. Velit forte aliquis excusare Bernonem, per hoc quod in VIII Kalendas Januarii incipit ultima Decembris hebdomada, quæ debet respondere Christi generationi. Posset quidem per hoc excusari, si etiam hoc anno differretur jejunium in secundum Martii Sabbatum. Sed ei via hunc evadendi præcluditur, quia posito Sabbato jejunii in II Nonas, et Abraham obtinente plusquam secundam Martii hebdomadam, Christus nec penultimam Decembris hebdomadam habet.

Hæc juste necne dixerim de regula Bernonis, videbit vestræ diligentæ oculus; et si quid incaute a nobis dictum est, nos simplicitas oculi nostri excusabit, et veniam impetrabit. Non enim Bernoni in aliquo derogamus, quem ut sanctum et sapientem censemus numerandum in numero illustrium virorum, quia quod a Deo habuit ad profectum posteriorum obtulit, et inde id ipsum quod obtulit, a Deo probandum fuit. Obtulit aurum sanctitatis et sapientiæ. Tanquam aurum in fornace probat electos Dominus, obtulit argentum eloquentiæ. Quid de tali viro suggerit vobis sapientia per Salomonem? Aufer, inquit, rubiginem de argento, et egredietur vas purissimum. Optarem in domo Dei ambulare cum consensu talis viri; sed ait Amos propheta: Nunquid ambulabunt duo simul, nisi eis convenerit?



(*Amos*, III, 5.) Putabamus nobis et Bernoni convenire in recipienda allegorica generationum consonantia; sed dissonantia primæ Martii et ultimæ Decembris hebdomadæ nos ab illa convenientia advocat. At de numero XIV hebdomadarum nobis et Bernoni convenit, quas etiam nos recipientes, ambulamus quidem simul eadem via, sed non ubique per eadem vestigia. Bernone enim sex diebus præcurrente, non a Sabbato jejunii cum eo, sed semper a Kalendis Martii ingredimur viam numerandi XII hebdomadas, easque ut et vos distinguimus per tres tesserescedecades; sed in prima tesserescedecadarum statutis jejuniorum hebdomadis prima scilicet Martii, secunda Junii, tertia Septembris, quarta Decembris. Sex autem dies qui supersunt, nihil ad distinguenda jejuniorum interstitia obsunt. Hoc extra interrogationem vestram adjeci,

A ut tollatur a vobis nota inconvenientiæ, quam priores vestræ litteræ imposuerunt nobis. Quod intrante Martio in VI vel VII feria uno anno jejunium Junii, altero anno jejunium Septembris in XV hebdomadam celebramus. Ut salva gratia vestra dicamus, nos secundum tenorem vestræ, non nostræ regulæ vestro præjudicio urgentes. Ecce videtis quæ sit causa mutæ dissonantiæ, sex scilicet dies a Bernone Martio subtracti, et quia tropum synecdoche vel dies temporum in jejuniis temporum non admittitis, quis nescit in quantis locis Scriptura vacillet, nisi a tropo synecdoche sustentetur? Non surrexit Christus a mortuis, nisi tropum synecdoche recipiamus. Vos qui gratia Dei divites estis in illo, in omni verbo, et in omni scientia, confirmet Deus usque ad finem sine crimine. Valet.

## SIGEBERTI

### EPISTOLA AD LEODIENSES

(MARTEN. A. C. I, 587.)

Roberto, Flandriæ comiti, ex bello sacro anno 1101 reverso, Paschalis papa litteras scripsit quibus illum hortatur ut Leodienses schismaticos, Henrico imperatoris adhærentes, ab Ecclesia expellat. Sententiam pontificiam impugnat Sigebertus in epistola ad Leodienses missa, quam, propter infensorem, quo in sanctam sedem, invehitur, animum, dare supersedimus. Exstat in tomis Conciliorum Labbei (X, 630), sine auctoris nomine, cum hoc titulo: « Responsoria Declamatio acerrima Leodiensium schismaticorum, qui, more suorum comparum in schismate Donatistarum adversus principes resiliunt, et catholicum nomen affectantium, suam Declamationem sic inscripserunt: Epistola Leodiensium adversus Paschalem papam. » EDITOR PATROLOGIÆ.

## SIGEBERTI

### EPISTOLA ADVERSUS LAICORUM IN PRESBYTEROS CONJUGATOS CALUMNIAM.

(MARTEN., *Thes.* I, 250.)

Hæc epistola scripta videtur occasione censuræ Gregorii VII papæ, qui ut incontinentes sacerdotes ad sanam mentem revocaret, vetuit ne quis fidelium eorum missas audiret, multo minus ne ecclesiastica sacramenta reciperet. Quam sententiam dum impugnare conatur noster, non uno in loco minus recte sentit. Et hoc quoque opusculum omittendum duximus. EDIT.

## SIGEBERTI

Responsio ad epistolam Hildebrandi quam scripsit ad Herimannum Metensem in potestatis regiæ calumniam

Vide supra, in *Prolegomenis*, col. 16, notam 40.

## FRAGMENTUM RHYTHMI DE S. LUCIA

### AUCTORE SIGEBERTO

(Apud MABILL. *Annal. Bened.*, tom. IV, pag. 572.)

Ad monasterium Lintburgense, in dioecesi Spirensi, anno 1042 translatae sunt sanctæ Lucie virginis et martyris reliquiæ, Heinrico imperatori, Conradi Salici filio, dono datae a Theoderico Mettensi episcopo,